

Герой-пионер Валентин Котик

Онъгрснннь хөөн Советин Союзин Герой нер пионер-партизан Котик Валентинд зүүлгьхин туск СССР-н Деед Советин Президиумин Указ эндр барлгдджана.

Валентин Котик Хмельницк областин Шепетовск района Хмелевка селанд, 1930 джил гарсмн. 1937 джилас авн 1941 джил күртл Шепетовск 4-ч дундин школд эн сурчасмн.

1941 джил немшин деермч фашистнр райог эзлснэ хөөн, цөн үүрмүдтэгьән, шепетовск полевой жандармерин начальникин машинүр эн дэврв. В. Котикин хайсн гранатар эн жандармерин начальник алгдад, кесг гитлеровцнр шавтв.

Хөөннь, 1943 джилин августд Кармелюкин нертэ шепетовск партизанск отрядт орад, төмр хаалгь минировать келгьнд гурв дакдж орлцад, терүнэ ашднь хортна цергтэ болн техниктэ гурвн эшелон хамхрад, уга кегдсмн.

1943 джилин октябрт Валентин Котик Варшав ордг телефонн кабель эвдснд, Варашвд баях Гитлерин ставка залгьлдагьан немшнр зөвэр цагт геесмн.

1943 джилин намр харулд гарч йовад, Котик немшин хойр танкетк болн кесг немшин салдсмуд амтнэ олг-эд тонджасиг үзнэ. Модн дундас немшин салдсмудур хойр гранат хайсн, фашистск бандитнр тонсн олг-эдән хайчкад, селәнэс гарад зулв. Тиигн гихнь, бичкн патриотин зөрмг йовдлиг партизанск багин дэврлт болгьдж.

1943 джилин намрар бултунгьгугьар харулд баягьад, партизанск отряд баясн газрур немшнрин карательн экспедиц йовдж йовхинь эн үзв. Дамшгин тускар үүрмүдтән зәнэг огдг аргь уга болад, унтсн болад кевтв. Тегад немшин офицер гурвн салдста бий талан өөрдэд ирхлән, гранатин төөлгинь татн, көл доран хайв. Гранат хагьрад, немшнр алгдв, партизанмуд докья соньслдад, карательмүдиг давдж гарчкад, хэрү дэврдж, теднлэ ноолдв. Ик гидг гарута, гитлеровцнр цухрад гарв. Тиигхдән Валентин Котик күндәр шавтла, болв терүнәннь хөөн эдгэд, хэрү ормурн менд ирв.

1944 джилин февраль сард гитлеровцнрас Изяслав балгьс сулдхлгьнд орлцад, чидл үлү даяснлэ ноолдад, амнднь хорлх шав авад, дарунь үүрмүдиннь гар деернь Валентин онъгрсмн.

Валентин Котик Төрскни даянэ 1-ч девснъгин орденәр болн «Төрскни даянэ партизанд» гидг 2-ч девснъгин медаләр ачлгдсмн.